

JU KANTONALNA BOLNICA ZENICA, adresa Crkvice broj 67, 72 000 Zenica, koju zastupa direktor, pro.dr sc.prim Rasim Skomorac (u daljem tekstu: naručilac), i MIDDLE POINT DOO SARAJEVO, Džemala Bijedića 35, Sarajevo, IDBR: 420120440000, koji zastupa direktor Ermin Nezić (u daljem tekstu: isporučilac)

zaključili su dana 27.03.2020 godine u Zenici,

UGOVOR O NABAVCI I ODRŽAVANJU OPREME

I PREDMET UGOVORA

Član 1.

Ovim ugovorom se utvrđuju međusobna prava i obaveze ugovornih strana u vezi javne nabavke opreme, i to, **videonazdorni sistem beskontantnog mjerenja i kontrole tjelesne temperature** za potrebe JU Kantonalna bolnica Zenica.

Sastavni dio ovog ugovora čini ponuda isporučioaca data u pregovaračkom postupku javne nabavke, pregovarački postupak bez objave obavještenja, tender broj: 31-N-17/20.

II OBAVEZE UGOVORNIH STRANA:

Obaveze isporučioaca:

Član 2.

Isporučilac se obavezuje naručiocu da izvrši isporuku opreme iz člana 1. ovog ugovora na osnovu pismenog ovlaštenja proizvođača, a što uključuje:

- da isporuči robu najkasnije **15 (petnaest) dana** od dana obostranog potpisivanja ugovora,
- da isporuči robu, i to videonazdorni sistem beskontantnog mjerenja i kontrole tjelesne temperature 1 (komad), tip: TPC-BF 3221-T, proizvođača: Dahva, zemlja porijekla: Kina, godina proizvodnje: 2020.g.,
- da isporuči robu koja odgovara dostavljenoj ponudi i tehničkoj specifikaciji koja je sastavni dio iste iz Obrasca za cijenu ponude, Prilog broj 2 TD, a prema svemu po uslovima iz tenderske dokumentacije i datoj ponudi,
- da je garantni rok za isporučenu robu: 12 mjeseci,
- da obezbijedi da su za vrijeme garantnog roka usluge servisiranja (što podrazumijeva korektivni i preventivni servis i sve ostale eventualne usluge) i isporuke rezervnih dijelova besplatne.
- da su obezbjedjeni rezervni dijelovi i ovlašteni servis za minimalno 3 godine od potpisivanja ugovora
- da će isporučilac u slučaju kvara opreme u garantnom roku o vlastitom trošku izvršiti prevoz do ovlaštenog servisa i nazad do Ugovornog organa,
- da će dostaviti listu rezervnih dijelova sa cijenama,
- da će se svi kvarovi na predmetnoj robi u garantnom roku otkloniti u roku od 24 sata nakon prijave kvara, odnosno maksimalno 7 dana neophodnih za nabavku i zamjenu neispravnih rezervnih dijelova, uz odaziv serviseru,
- da se ponuđač obavezuje da će ustupiti ugovornom organu zamjensko vozilo istih karakteristika u slučaju da popravka kvara u garantnom roku traje duže od 7 dana i koji će biti na raspolaganju ugovornom organu sve do okončanja popravke.

Član 3.

Isporučilac nema pravo zapošljavati u svrhu izvršenja ovog ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana

ili stručnog lica koje je angažirala Komisija za javne nabavke, najmanje 6 (šest) mjeseci po zaključenju ugovora, odnosno od početka realizacije ugovora.

Obaveze naručioca:

Član 4.

Naručilac se obavezuje da:

- da će platiti cijenu iz člana 5. ovog Ugovora,
- da isporučiocu odmah prijavi sve kvarove nastale na predmetnoj opremi.

III CIJENA, ROK I NAČIN PLAĆANJA

Član 5.

Ukupna cijena opreme iz člana 2. ovog Ugovora, iznosi, **36.965,00 KM** (slovima: trideset šest hiljada devet stotina šezdeset pet hiljada KM), bez uračunatog PDV-a, franco skladište naručioca opreme.

U cijenu je uključena dostava opreme, a sve u skladu sa tehničkom specifikacijom i datom ponudom u predmetnoj javnoj nabavci. Cijene su nepromjenljive i date su na paritetu franco skladište naručioca predmetne robe.

Član 6.

Plaćanje cijene iz prethodnog člana izvršiće se 50% avansno nakon zaključenja ugovora, a ostatak cijene u roku od **7 /sedam/** dana dostavljanja fakture za isporučenu robu.

Član 7.

Isporučilac je dužan izdati /sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena prodavcu na usklađivanje. Uslovi plaćanja i drugi uslovi koje dobavljač jednostrano unese u fakturu ne obavezuju kupca ni onda kada je fakturu primio, a nije joj prigovorio.

IV TRAJANJE I RASKID UGOVORA

Član 8.

Ovaj ugovor zaključuje se na period do isteka trajanja garancije na isporučenu opremu koji iznosi 12 (dvanaest) mjeseci, a isti stupa na snagu danom potpisivanja od strane obje ugovorne strane, s tim da ako su različiti datumi potpisivanja, kao dan stupanja na snagu računa se posljednji datum.

Član 9.

Ugovorne strane mogu dogovoriti sporazumni raskid ugovora i prije isteka ugovora.

Član 10.

Ovaj Ugovor se može raskinuti od strane bilo kojeg potpisnika Ugovora, pismenom obavijesti koja je poslana preporučenom poštom drugoj strani u slučaju:

-bilo kakvog kršenja odredbi ovog Ugovora (materijalne povrede odredaba Ugovora) od strane druge ugovorne strane,

-u drugim slučajevima iz Zakona o obligacionim odnosima.

V UGOVORNA GARANCIJA

Član 11.

Isporučilac je dužan dostaviti naručiocu garanciju osiguranje za dobro izvršenje posla u obliku bankovne garancije izdate od banke, mjenice ili gotovisnog ekvivalenta prihvatljivog za kupca na iznos od **10 %** od ukupno ugovorenog iznosa. Garancija za uredno izvršenje ugovora se predaje naručiocu u roku od 10 (deset) dana od dana zaključivanja ugovora. U slučaju da isporučilac ne dostavi garanciju za uredno izvršenje ugovora, zaključeni ugovor se smatra apsolutno ništavnim. Važnost garancije za dobro izvršenje posla je vrijeme trajanja ovog ugovora.

Član 12.

Ukoliko isporučilac prekrši jednu od odredbi ovog ugovora, naručilac će realizovati izdatu garanciju uz prethodno pismeno obavještenje isporučiocu o učinjenom propustu da postupi po ugovoru i uz ostavljanje razumnog roka da izvrši ispravku učinjenog propusta.

Član 13.

U slučaju kašnjenja u isporuci vozrobeila iz člana 2. ovog ugovora, do kojeg je došlo krivicom isporučioca, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti opreme koja je predmet narudžbe.

Isporučilac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od strane naručioca. Naručilac je dužan da prilikom isporuke opreme bez odlaganja obavijesti isporučioca da zadržava pravo na ugovornu kaznu.

Naručilac neće naplatiti ugovorenu kaznu ukoliko je, do kašnjenja došlo usljed više sile. Pod višom silom se podrazumijevaju vandredni slučajevi koji se nemogu predvidjeti, koji su se dogodili bez volje i uticaja ugovornih strana i koji nisu mogli biti spriječeni od ugovorne strane koja je pogođena višom silom. Višom silom se mogu smatrati poplave, zemljotresi, požari, rat, neredi, štrajkovi, imperativne odluke vlasti kao što je zabrana prometa, uvoza, izvoza i sl. Ugovorna strana koja je pogođena višom silom je obavezna odmah obavijestiti drugu stranu u pismenoj formi o nastanku više sile te dostaviti odgovarajuće dokaze. Pravo naručioca na naplatu ugovorne kazne ne utiče na pravo zahtijevanja naknade štete.

Član 14.

Ni jedna od ugovornih strana neće biti odgovorna na bilo koji način zbog bilo kojeg neuspjeha u ispunjavanju bilo kojih odredbi iz ovog Ugovora, ako je to ispunjenje bilo onemogućeno nekom višom silom ili nekim nepredvidivim iznenadnim događajem bilo koje prirode koji nisu pod kontrolom nijedne od ugovornih strana.

VI ZAVRŠNE ODREDBE

Član 15.

Svi budući prilozi, izmjene i dopune ovog ugovora imaju pravnu važnost samo ako se obje ugovorne strane sa njima saglase i ukoliko su isti sačinjeni u pismenoj formi u vidu novog ugovora ili aneksa postojećeg ugovora.

Član 16.

Ugovorne strane su saglasne da se za sve što nije regulisano ovim Ugovorom primjenjuju odredbe Zakona o obligacionim odnosima.

Član 17.

Ugovorne strane su saglasne da sva eventualna sporna pitanja riješe sporazumno, na principu uzajamnog povjerenja i poštivanja međusobnih interesa, u duhu dobrih poslovnih običaja. Ukoliko ugovorne strane ne postignu sporazumno rješenje, za rješenje spora nadležan je stvarno nadležan sud u Zenici.

Član 18.

Ovaj Ugovor je sačinjen u 4 (četiri) istovjetna primjerka od kojih svakoj ugovornoj strani pripadaju po 2 (dva) primjerka.

**Isporučilac**
MIDDLE POINT DOO SARAJEVO
DIREKTOR
Ermin Nezić
27.03.2020

Sarajevo, 27.03.2020 godine

**Naručilac**
JU KANTONALNA BOLNICA ZENICA
DIREKTOR
prof.dr sc prim Rasim Skomorac
33-11-1713/20
Broj: 33-11-1713/20

Zenica, 27.03.2020.godine

OBRAZAC ZA DOSTAVLJANJE KONAČNE PONUDE

Broj nabavke: 31-N-17/20

UGOVORNI ORGAN: Javna ustanova Kantonalna Bolnica Zenica

Adresa ugovornog organa: Crkvice broj 67

PONUĐAČ:

Naziv ponuđača AGENCIJA "MIDDLE POINT" EL D.O.O.
ID broj ponuđača 7201204440000
Adresa ponuđača DŽEMAL BIJEĐIĆA 35

KONTAKT OSOBA (za konkretnu ponudu)

Ime i prezime	<u>ERMIN NEŽIĆ</u>
Adresa	<u>DŽEMAL BIJEĐIĆA 35</u>
Telefon	<u>033 715-116</u>
Faks	<u>033 722-811</u>
Službeni e-mail ponuđača	

IZJAVA PONUĐAČA

U postupku javne nabavke, koju ste pokrenuli i koja je objavljena na Portalu javnih nabavki, broj obavještenja o nabavci _____, dana _____

1. U skladu sa sadržajem i zahtjevima tenderske dokumentacije, broj: **31-N-17/20** (broj nabavke koju je dao ugovorni organ), ovom izjavom prihvatamo njene odredbe u cjelosti, bez ikakvih rezervi ili ograničenja.
2. Ovom ponudom odgovaramo zahtjevima iz tenderske dokumentacije za isporuku roba/usluga/radova, u skladu sa uslovima utvrđenim tenderskom dokumentacijom, kriterijima i utvrđenim rokovima, bez ikakvih rezervi ili ograničenja.
3. Naziv robe VIDEO NABAVKA SASTAVI BESKONTAKTNOG IZVJEŠTAJA I KONTROLNE
7 dnica

Cijena naše ponude (bez PDV-a.) je 36.965,00 KM.


Popust koji dajemo na cijenu je 0,00 KM.

Cijena naše ponude, sa uključenim popustom je 36.965,00 KM.

PDV na cijenu ponude (sa uračunatim popustom) 6.284,05 KM.

Ukupna cijena za ugovor je 43.249,05 KM, bez PDV-a.

U prilogu se nalazi i obrazac za cijenu naše ponude, koji je popunjen u skladu sa zahtjevima iz tenderske dokumentacije. U slučaju razlika u cijenama iz ove Izjave i Obrasca za cijenu ponude, relevantna je cijena iz obrasca za cijenu ponude. Preduzeće koje dostavlja ovu ponudu je domaće sa sjedištem u BiH i najmanje 50% ponuđenih roba za izvršenje ovog ugovora je iz BiH/ 50%, ili radne snage koja će raditi na realizaciji ovog ugovora o nabavci usluga/radova su rezidenti Bosne i Hercegovine, a dokazi da naša ponuda ispunjava uslove za preferencijalni tretman domaćeg, koji su traženi tenderskom dokumentacijom su u sastavu ponude. Ukoliko se na ponudu ne može primijeniti preferencijalni faktor domaćeg, navesti da se na ponudu ne primjenjuju odredbe o preferencijalnom tretmanu domaćeg.



OBRAZAC ZA CIJENU KONAČNE PONUDE-ROBE
Sanitetsko vozilo sa opremom

Naziv dobavljača: AGENCIJA "MIDPOINT POINT" d.o.o. SARAJEVO


Ponuda br. 31-N-08/20

Redni broj	Predmet nabavke i tehničke karakteristike	Jedinica mjere	Količina	Zemlja porijekla, Proizvođač, Marka, i Tip,
	Videonadzorni sistem beskontaktnog mjerenja i kontrole tjelesne temperature, koji sadrži: Dahua termalna kamera - TPC-BF3221-T- 1 komad, Crno tijelo za kameru - JQ-D70Z - 1 komad, Tripod držač za kameru / tijelo - 2 komad, Priključni adapter za tripod - RAW021-00 - 2 komada, Dahua 16 kanalni 1U 16PoE AI Mrežni video- 1 Komad, Seagate 4TB Surveillance HDD - ST4000VX007- 1 Komad, Monitor 43" FHD Monitor - DHL22-F600-1 Komad, Isporučka i ugradnja sistema, programiranje i parametrisiranje prema zahtjevima korisnika, testiranje i puštanje u rad.	Komad	1	KINA DAHUA TPC-BF3221-T

Ukupna cijena bez PDV-a (slovima i brojevima):	36.965,00 KM TRIDESET ŠEŠT HIJADA DESET STOTINA ŠEZDESET PET / 00
Popust (slovima i brojevima)	0,00 NULA
Ukupna cijena ponude sa popustom bez PDV-a: (slovima i brojevima):	36.965,00 KM TRIDESET ŠEŠT HIJADA DESET STOTINA ŠEZDESET PET / 00
Ukupna cijena ponude sa PDV-om, (brojevima i slovima):	43.249,05 ČETIRDESET TRI HIJADE DVANJE STOTINE ČETIRDESET PET / 05

Potpis i pečat ponuđača

Napomena: Cijene moraju biti izražene u KM. Za svaku stavku u ponudi mora se navesti cijena. Cijena ponude se iskazuje bez PDV-a i sadrži sve naknade koji ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama. Jedinična cijena stavke se ne smatra računskom greškom, odnosno ne može se ispravljati.



4

